

Na osnovu člana 31. stav 1) Zakona o Vladi Srednjobosanskog kantona ("Službene novine Srednjobosanskog kantona", broj: 5/03 – Prečišćen tekst i 14/03), člana 27. Stav 1) tačka 8. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", br. 39/03, 22/06 i 43/10), člana 32. Pravilnika o načinu rada i funkcionisanja Štabova i povjerenika civilne zaštite ("Službene novine Federacije BiH", br. 77/06, 5/07 i 32/14), na prijedlog Kantonalnog štaba civilne zaštite, Vlada Srednjobosanskog kantona na 44. sjednici, održanoj 4.6. 2020. godine, d o n o s i

ODLUKU

o prestanku stanja nesreće uzrokovane pojavom koronavirusa (COVID-19) na području Srednjobosanskog kantona

I

Ovom Odlukom proglašava se prestanak stanja nesreće uzrokovane pojavom koronavirusa (COVID-19) na području Srednjobosanskog kantona, koje je proglašeno Odlukom o proglašenju stanja nesreće uzrokovane pojavom koronavirusa (COVID-19) na području Srednjobosanskog kantona broj: 01-11.7-251/2020 od 18.03.2020.godine.

II

Stanje nesreće iz tačke I ove Odluke prestaje dana 4.6.2020. godine.

III

Kantonalni štab civilne zaštite i Krizni štab Ministarstva zdravstva i socijalne politike zaduženi su da i dalje prate i procjenjuju stanje epidemiološke situacije na području Srednjobosanskog kantona i na toj osnovi utvrđuju mjere i aktivnosti na sprečavanju širenja koronavirusa.

Kantonalna uprava civilne zaštite zadužena je da, u slučaju potrebe, stavi na raspolaganje snage i sredstva iz sastava odgovarajućih jedinica civilne zaštite i službi zaštite i spašavanja Srednjobosanskog kantona.

Vlada SBK zadužuje rukovodioce organa uprave i upravnih organizacija Srednjobosanskog kantona, da u okviru svoje redovne djelatnosti, obavljaju i dodatne poslove koji se odnose na otklanjanje posljedica nastalih djelovanjem nesreće.

IV

Ova odluka stupa na snagu danom donošenja i ista će se objaviti u „Službenim novinama Srednjobosanskog kantona“.

Ova Odluka će biti objavljena putem printanih i elektronskih sredstava informisanja.

Broj: 01-11.7-427/2020
Travnik; 5.6.2020



PREMIJER KANTONA

Tahir Lendo, dipl.ing.